

ORDENANZA FISCAL REGULADORA DA TAXA POR RECOLLIDA DE LIXO

Artigo 1º.- Fundamento e natureza.

En uso das facultades concedidas polo artigo 133.2 e 142 da Constitución e polo artigo 106 da Lei 7/1985, de 2 de abril reguladora da Bases de Réxime Local, e de conformidade co disposto nos artigos 15 e 19 da Lei 39/1988, de 28 de decembro, reguladora das Facendas Locais, este Concello establece a "Taxa pola recollida de lixo", que se rexerá pola presente Ordenanza fiscal, cuxas normas atenden ó previsto no artigo 58 da citada Lei 39/1988.

Artigo 2º.- Feito imponible.

1. Constitúe o feito imponible da Taxa a prestación do servizo de recepción obrigatoria de recollida de basuras domiciliarias e residuos sólidos urbanos de vivendas, aloxamentos e locais ou establecementos onde se exercen actividades industriais, comerciais, profesionais, artísticas e de servizos.

2. A tal efecto, considéranse basuras domiciliarias e residuos sólidos urbanos, os restos e desperdicios de alimentación ou detritos procedentes da limpeza normal de locais ou vivendas, e exclúense de tal concepto os residuos de tipo industrial, escombros de obras, detritos humanos, materias e materiais contaminados, corrosivos, perigosos ou cuxa recollida ou vertido esixa a adopción de especiais mediadas hixiénicas, profilácticas ou de seguridade.

3. Non está suxeita á Taxa a prestación, de carácter voluntario e a instancia de parte, dos seguintes servizos:

Recollida de basuras e residuos non cualificados de domiciliarias e urbanos de industrias, hospitais e laboratorios.

Recollida de escorias e cinzas de calefaccións centrais.

Recollida de escombros de obras.

Artigo 3º.- Suxeitos pasivos

1. Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria, que ocupen ou utilicen as vivendas e locais emprazados nos lugares, prazas, rúas ou vías públicas en que se preste el servizo, xa sexa a título de propietario ou de usufructuario, habitacionista, arrendatario ou incluso, de precario.

2. Terá a consideración de suxeito pasivo substituto do contribuínte o propietario das vivendas ou locais, que poderá repercutir, no seu caso, as cotas satisfeitas sobre os usuarios de aquelas, beneficiarios do servizo.

Artigo 4º.- Responsables

1. Responderán solidariamente das obrigacións tributarias dos suxeito pasivo as persoas físicas e xurídicas a que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5º.- Cota tributaria

1. A cota tributaria consistirá nunha cantidade fixa, por unidade de local, que se determinará en función da natureza e destino dos inmobles.

2. A tal efecto, aplicarase a seguinte Tarifa:

CONCEPTO	<u>EUROS</u>
Vivendas:	36,0965 €
Aloxamentos:	99,2659 €
Supermercados:	99,2659 €
Cafeterías y Bares:	90,2418 €
Discotecas:	99,2659 €
Entidades bancarias:	54,1450 €
Talleres:	99,2659 €
Demais locais :	36,0965 €

3. As cotas sinaladas na Tarifa teñen carácter irreducible e corresponden a 12 meses.

Artigo 6º.- Devengo

1. Devengase a taxa e nace a obrigaón de contribuír desde o momento en que se inicie a prestación do servico, entendéndose iniciada, dada a natureza de recepción obrigatoria do mesmo, cando este establecido e en funcionamento o servico municipal de recollida de basuras domiciliarias, nas rúas e lugares onde figuren as vivendas locais utilizados polos contribuíntes suxeitos á Taxa.

2. Establecido e en funcionamento o referido servico, as cotas devengarase o primeiro día de cada mes natural, salvo que o devengo da Taxa se producise con posterioridade a dita data, en cuxo caso a primeira cota devengarase o primeiro día do mes seguinte.

Artigo 7º.- Declaración e ingreso

1. Dentro dos trinta días hábiles seguintes a data en que se devengue por primeira vez a Taxa, os suxeitos pasivos formalizarán a súa inscrición en matrícula,

presentando, ó efecto, a correspondente declaración de alta e ingresando simultaneamente a cota do primeiro trimestre.

2. Cando se coñeza, xa de oficio ou por comunicación dos interesados, calquera variación dos datos figurados na matrícula, levaranse a cabo nesta as modificacións correspondentes, que surtirán efectos a partires do período de cobranza seguinte ó da data en que se tivera efectuado a declaración.

3. O cobro das cotas efectuarase trimestralmente mediante recibo derivado da matrícula.

Artigo 8º.- Infraccións e sancións.

En todo o relativo á cualificación de infraccións tributarias, así como das sancións que as mesmas correspondan en cada caso, estarase ó disposto nos artigos 77 e seguintes da Lei Xeral Tributaria.

Disposición Final

A presente Ordenanza Fiscal, da que a súa modificación foi aprobada polo Pleno da Corporación en sesión celebrada o 26 de setembro de 2003, entrará en vigor o mesmo día da súa publicación e surtirá efectos a partir da data en que se implante o servizo en todo o concello.